

欽定大清會典事例

欽定大清會典事例卷五百六十

兵部

職制

八旗官改補

降補

駐防官入

武職開列

武職

陸見

八旗官改補。○乾隆元年議准。旗員補授綠營員缺。五年俸滿。有於營務不甚相宜者。該督提咨部轉咨該旗。仍歸原處行走。俟應用之官有缺。副將以步軍翼尉。城守尉協領改補。參將遊擊以前鋒參領護軍參領驍騎參領改補。都司以前鋒侍衛副參領步軍協尉佐領及各省防

守尉改補。守備以步軍尉五品防禦改補。其由副將改補步軍翼尉各官者。仍照從二品頂戴食俸。遇應升之官。一同開列。○七年議准文職改補旗員者。給事中御史郎中道知府以副參領佐領城門領改補同知知州以步軍尉司信礮官改補主事通判知縣以驍騎校改補小京官司府首領官州縣佐貳筆帖式以城門吏改補都統等量才器使。或令隨印辦事。或令隨旗行走。試用一年。果能黽勉。遇應補之官擬定正陪引。

見補授。二十四年

諭八旗驍騎營參領佐領有條文職襲官離原衙門而在武職行走者該都統將職名咨行吏部遇京堂員缺即將伊等對品職名繕寫與應升人員職名一併進呈其應行帶領引見者亦一併帶領引見。二十六年奏准駐防年滿筆帖式情願改補本處武職者送部引

見記名後遇驍騎校第四缺補用一人。三十三年奏准各省將軍副都統衙門筆帖式三年俸滿該管大臣出具考語遇有驍騎校缺出即行保

送帶領引

見○三十六年奏准伊犁印務處委署筆帖式由補授實缺三年期滿願調武職者以應升驍騎校員缺補用委署筆帖式三年後保舉展限五年期滿再行查明一等者於伊等應升驍騎校員缺列名入選○三十八年奏准各省筆帖式內如有行走勤慎辦事好者三年期滿先行出具考語咨部註冊遇有驍騎校缺出與兵丁一體揀選補放若一時並無應放之缺食俸六年者停其送部俟得缺時再行送部○三十九年覆

准八旗簡用綠營。其難廕人員不准外用。仍留旗補放者。千總以驍騎校用。把總照七品監生之例。留在印房行走。遇有驍騎校等官缺出。與應升人員揀選補用。四十九年

諭嗣後各旗文武官員。如有父母年至七十五歲以上者。均不准保送外任。庶旗員共知祿養承歡。克敦內行。亦移孝作忠之一道也。欽此遵

旨議定。現在京員親老。業經保送外任者。俱停其選用。其外任旗員親老者。以對品京員改補。○五十年奏准。綏遠城派往烏里雅蘇台。科布多等

處駐班人員。已得主事品級。年滿後經該將軍大臣奏請回營。以武職補用者。俟有本翼防禦缺出。由該將軍將該員擬正。另揀擬陪送部。轉咨該旗帶領引。

見補放。○五十七年奏准烏里雅蘇台科布多二處額外筆帖式五年期滿。有情願改補武職者。即以伊等作為額外驍騎校。令回本處。遇有缺出。即行補用。○嘉慶六年

諭恩騎尉世職人員。除情願入標學習當差者仍照舊例支給俸餉外。其有願應文試者。即以本職頂戴作

為文生員願應武試者即以本職頂戴作為武生准其一體應試。○咸豐九年定駐防世襲雲騎尉准以世職頂戴作為文生應試仍不准食俸如應試數次後仍願隨旗當差遇有應補防禦員缺照例補用。○同治十年奏准印務章京揀發外任如因水土不服回旗改補京職准以公中佐領補用。○十一年奏准二等侍衛揀發外任如因病回旗病痊仍以二等侍衛補用。○十三年奏准委護軍參領揀發外任如因水土不服回旗仍以委護軍參領補用。○光緒二年奏准副護

軍參領升補外任。如因病回旗病痊仍以副護軍參領補用。○三年奏准治儀正揀發外任。如因病回旗病痊仍以治儀正補用。○五年奏准雲麾使補授外任。如因親老回京當差仍以雲麾使補用。○又奏准藍翎侍衛。如因病開缺回籍病痊准以本處驍騎校對品補用。○六年奏准副護軍參領。如因親老回籍准以對品之佐領酌量揀補。○七年奏准四等侍衛。如因修墓開缺回籍當差該處若無對品防禦准以佐領補用。○又奏准三等侍衛。如因親老開缺回籍

當差就近侍養。准以本處相當佐領員缺對品補用。

降補。○原定王公府屬各官。有因王公薨故。或王公緣事解任者。如曾遇

恩詔受封。交旗酌量補用。○康熙十二年議准。因王公緣事革去之府屬各官。曾遇

恩詔受封者。交該旗降等。與應補之人。揀選擬補該員前任所得加級。全行註銷。未遇

恩詔受封者。毋庸議。○乾隆五年奏准。一品之領侍衛內大臣。內大臣。都統將軍降一級調用者。以

內外副都統擬補降二級調用者。係滿洲以
陵寢總管步軍翼尉城守尉協領前鋒護軍驍騎各參
領擬補。係蒙古。以游牧總管副管協領前鋒護
軍驍騎各參領擬補。係漢軍以在京參領在外
協領擬補。降三級調用者。係滿洲以

陵寢翼領信礮總管前鋒侍衛副護軍副驍騎各參領
佐領步軍協尉城門領防守尉擬補。係蒙古以
前鋒侍衛副護軍副驍騎各參領佐領步軍協
尉城門領擬補。係漢軍以在京副參領佐領步
軍協尉城門領在外參領擬補降四級調用者。

係滿洲漢軍以司信礮官步軍副尉外省防禦
擬補係蒙古以步軍副尉外省防禦擬補其二
品之前鋒護軍步軍各統領副都統鑾儀使散
秩大臣降一級二級三級調用者與一品官降
二級三級四級調用之例同以上遇有員缺查
明降調應用之人係開列具題者聲明降調情
由列名於應升各官之後係引

見補授者聲明降調情由列名於應升各官之後均
候

欽定至一品官降五級調用二品官降四級調用者

不補前鋒校護軍校等官。除該員原有世爵者。令以世爵隨旗行走外。其無世爵者。帶所降之級隨旗行走。三年無過。該都統等出具考語。引見請。

旨。將降五級之一品官。照降四級例擬補降四級之。二品官。照降三級例擬補。若降級數多。至無官可補者。停其補用。○又奏准在京三品官降一級調用者。以四品官擬補。降二級調用者。以五品官擬補。降三級調用者。以六品官擬補。其四品官降一級二級調用者。與三品官降二級三

級調用之例同。五品官降一級調用者。與四品降二級調用之例同。統俟遇有員缺。由該衙門查明降調應用之人。聲明降調情由。列名於應升各官之後。一併引

見恭候

欽定。至三品官降至四級以下。四品官降至三級以下。五品官降至二級以下。無官可補者。停其補用。○又奏准。各駐防三品以下官降級調用者。均以本處駐防之官。按品擬補。此等降調之人。遇有員缺。該將軍都統副都統於咨送應升各

官引

見時。將該員降調情由聲明。一併咨送該旗列名於應升各官之後引。

見其降調應用驍騎校者。接到部文之日送部引。

見發回。遇有驍騎校員缺酌量題補。至總管城守尉防守尉及所屬官降級調用者均令回旗俟該旗出有各處總管城守尉防守尉所屬員缺由該旗都統副都統等。按其所降之級與應用之官相符。聲明降調情由。列名於應升各官之後。

一併引

見以上各官。若降級數多。至無官可補者。停其補用。
○又議准。王公府屬長史司儀長典儀各官。降
級調用者。典儀有四品至八品不同。由該王公
按所降之級。咨部擬補。長史司儀長。降級調用
者。由該王公以護衛之缺。按品遞降。咨部擬補。
如降至無官可補者。革職。一等護衛降一級調
用者。授為二等護衛。二等護衛降一級調用者。
授為三等護衛。三等護衛降一級調用者。無官
可補。革職。○六年議准。三品降四級。四品降三
級。五品降二級調用者。以城門吏擬補。○又議

准頭等侍衛降一級調用者。授為二等侍衛。二等侍衛降一級調用者。授為三等侍衛。三等侍衛降一級調用者。革職。○七年議准三等侍衛以下。尚有四等侍衛。藍翎侍衛。未便因降一級調用。即議革職。嗣後三等侍衛降一級調用者。授為四等侍衛。四等侍衛降一級調用者。授為藍翎侍衛。藍翎侍衛降一級調用者。革職。○又議准鑾儀衛官降級調用者。以冠軍使。雲麾使。治儀正。整儀尉。按品遞降。遇應補之官。由該衛聲明降調情由。列名於應升各官之後引。

見。○二十五年奏准嗣後外省降級調用官員引見後在半年以內補缺者毋庸來京半年以外補缺者再行列名引

見所有八旗降調官員亦照此辦理。○三十九年奏准八旗武職各官除應得

封典仍照官階品級分別正從辦理外至八旗官員如應降調補用各按滿洲蒙古漢軍指定應補之缺補用如應降級留任應照所降之級食俸者亦照舊例辦理均毋庸分別正從至

圓明園四品包衣營總內務府五品包衣護軍參

領包衣驍騎參領包衣副護軍參領包衣副驍
騎參領左右兩翼六品前鋒校委署前鋒參領
八旗六品護軍校委署護軍參領係由四品五
品六品旗員賞給三品四品五品虛銜頂戴仍
食原級俸餉如遇降調各按其原官品級降調
補用不得照虛銜覈算○又奏准廣東福建四
川甘肅等遠省降調旗員引

見一次未補俟過半年後遇有缺出該將軍等聲明
未補情由出具考語具奏與應升人員一併咨
送該旗列名於應升人員之後帶領引

見恭候

欽定近省降調旗員引

見一次未補。俟過半年後遇有缺出仍照初次咨送該旗帶領引

見如未經補用。俟再過半年後遇有缺出該將軍等聲明未補情由。出具考語具奏。與應升人員一併咨送該旗列名於應升人員之後。帶領引

見恭候

欽定其總管城守尉等官降調引

見如未經補用。亦照在京降調旗員之例。俟第四次

缺出。聲明未經補用情由。出具考語具奏。列名於應升人員之後。帶領引。

見。至駐防三品旗員。降至四級以下調用。四品旗員。降至三級以下調用。五品旗員。降至二級以下調用者。在外無缺可補。停其補用。若身有世職。仍在世職上隨該處行走。如係由京補放之員。降至七品。在外無缺可補。情願來京者。准其以七品城門吏擬補。○又奏准駐防旗員降級。應補驍騎校者。不論省分遠近。該將軍等。俟咨送應補人員時。聲明降調情由。一併咨送該旗列。

名於正陪人員之後帶領引

見如未經補用。俟第二次驍騎校缺出。將擬陪記名之人坐補後。至第三次缺出。再行聲明未補情由。咨送該旗列名於正陪人員之後。帶領引見。恭候錄用。○又奏准在京降調旗員引

見四次。未經補放者。停其再行引

見。駐防降調旗員。遠省引

見二次。近省引

見三次。未經補放者。停其再行來京引

見。俱按所降之級。令其原品休致。其駐防降調以驍

騎校用者。至第三次引

見。未蒙補放。亦即照所降之級。令其休致。○四十一年。奏准綠營將弁緣事應降參將遊擊者。以四品旗員補用。應降都司者。以五品旗員補用。應降守備者。以六品旗員補用。應降千總把總者。八旗無應用之缺。令其在旗當差。如年老衰庸。即令休致。○五十八年。奏准貝勒司儀長因貝勒減等裁汰後。係何處官員補放。該旗咨回原管大臣查驗年力。可否在原差使上行走之處。具奏請

旨。至由長史降補司儀長。復行裁汰者亦由該旗咨
回原管大臣查驗年力。可否以司儀長對品之
缺補用。具奏請

旨。○五十九年奏准察哈爾三品旗員降二級調用。
四品旗員降一級調用者。遇有六品官缺出准
其列名於正陪人員之後帶領引

見。○又奏准王等所屬長史司儀長降級調用。照三
四品旗員降調之例。遇有品級相當缺出。各該
處聲明降調情由。列名於應升人員之後帶領

引

見恭候

欽定。至典儀等官降級調用者。典儀有四品五品六品七品八品之不同。該王等即照所降之級咨部擬補。若降至無可遞降者。即行革職。不得援照微員無級可降議。以革職留任之例辦理。○嘉慶五年奏准。參領兼佐領。緣事應議實降者。無論所犯公私。均就大銜議降。其參領降一級調用者。仍留佐領。若由參領降二級三級調用者。查條公中佐領。照所降之級一併降調。若係世管佐領。均照舊例每一級折罰世職半俸三

年。免其降調世職。至軍政叅劾案內議降者。雖係世管佐領。亦應一併降革。○六年奏准。步軍統領降一級二級三級四級調用者。照一品領侍衛內大臣等官降調之例辦理。左右翼總兵降一級二級三級調用者。照二品前鋒統領等官降調之例辦理。至步軍統領降五級調用。左右翼總兵降四級調用者。均照領侍衛內大臣等官之例。免其坐補前鋒校等微員。○十二年奏准。在京及駐防降調旗員。統俟應升人員補二缺後。以第三次缺出。該旗將該員降調情由

聲明。出具切實考語。帶領引

見恭候

欽定。○道光十九年議定。王公等屬下撤出回旗人
員。曾受

誥封者。嗣後降等補用頭等護衛。以副驍騎參領用。
二等護衛四品典儀。以五品印務章京用。三等
護衛五品典儀。以驍騎校用。均歸本旗三缺後。
由該旗帶領引

見候

旨補用。至王公等屬下撤出回旗之六七八品典儀

親軍校驍騎校護軍校本旗無降等可補之官。
准以領催馬甲挑補以上降等補用人員均以
得受

誥封為斷其未經得受

誥封者毋庸議。

駐防官入

覲。○雍正四年

諭盛京等處將軍副都統等。每年令輪班陛見。各省駐
防將軍副都統亦應來京陛見。其作何輪班之處兵
部議奏。欽此。遵

旨議定。右衛甯夏。江甯。京口。荊州。廣州等處。各有將軍一人。副都統二人。初次令將軍來京。二次三次令副都統各一人來京。西安。杭州二處。各有將軍一人。副都統四人。初次令將軍來京。二次三次令副都統各二人來京。歸化城有都統二人。副都統四人。初次二次令都統副都統各一人來京。三次令副都統二人來京。福州有將軍一人。副都統一人。初次令將軍來京。二次令副都統來京。均依次輪班。周而復始。每年定於十二月到京。將軍印務。酌交副都統署理。內有新任。

及因公

陸見回任未久者。即暫停來京。俟未經

陸見之人。輪班已周。再行來京。四川成都止有副都
統一。人。令其三年來京一次。印務交總督署理。
天津距京甚近。每年令於封印後來京。○五年
奉

旨。嗣後各省副都統。陸見。各按原定班次來京。如將軍
輪當陸見。豫為具題。候旨遵行。○十三年覆准各省
駐防協領。於每年停操之後。該將軍等秉公考
察。給咨赴部。由部覈驗引

見恭候

欽定記名。遇有開列升用之處。將記名之人。別列名單。附疏以進。○乾隆八年覆准。駐防協領引見。後尚未升用者。不必復行送部。若新授協領。俟任滿三年。送部引見。

○又議准。福州增設副都統一。涼州設將軍一。人。後裁。副都統一。莊浪設副都統一。人。後裁。青州設將軍一。人。後裁。副都統一。熱河設副都統一。人。右衛將軍移紮綏遠城。復增設副都統一。二人。後裁。天津增設副都統一。人。後裁。山海關設副都統一。人。

一人應令輪班

陞見。嗣後福州初次令將軍來京。二次三次令副都統各一人來京。青州初次令將軍來京。二次令副都統來京。綏遠城右衛初次令將軍來京。二次令綏遠城副都統來京。三次令右衛副都統來京。涼州初次令將軍來京。二次令涼州副都統來京。三次令莊浪副都統來京。天津初次令都統來京。二次令副都統來京。熱河山海關副都統均令間一年來京。其各省將軍都統副都統來京時均將起程日期豫期報部。熱河山海

關副都統來京時。印務交協領署理。十四年議准。歸化城副都統現裁二人。

陞見之期。應行更定。嗣後該處都統副都統分為二次輪班來京。又覆准黑龍江總管城守尉參領均照協領之例送部引。

見。十六年奉

旨。各省駐防協領等例。應三年一次輪班來京引見。所以察其優劣。酌量記名升用。以示激勸之意。其城守尉總管等。定例時並未議及。伊等皆防守城池。督率官兵之大員。所關更為緊要。即如朕巡幸所至之處。

留心察看。其優者升用。示勸。劣者降斥。示懲。若巡幸未至之處。賢否既未周知。其中庸劣之人。得以姑容曠廢。不但於公事無益。即有才優之人。亦因不得顯其所長。以至阻抑上進之心。於一應事務。未免草率辦理。嗣後各省駐防城守尉總管等。亦照協領之例。輪班引見。其如何分定年限之處。該部定議具奏。欽此。遵

旨議定

盛京所屬之開原

興京金州。鳳凰城。岫巖。遼陽。復州。義州。青州所屬

之德州。天津所屬之滄州。及開封。太原。鄭家莊。保定等處城守尉。八旗游牧察哈爾總管。副管。參領。吉林參領。皆三品大員。俱照協領之例。三年任滿。由該管官出具考語。送部引。

見其無大員統轄者。於任滿之日。報部調取引。
見至。

陵寢總管。有按時上香行禮等事。與駐防官不同。毋庸輪班引。

見。○二十二年定。京口鎮海標營奉。

旨。令江甯將軍兼管。嗣後將軍照例。閏二年一次來京。

陞見其江甯副都統二人京口副都統二人照西安及綏遠城右衛例每年各令副都統一人輪班陞見

○二十九年奉

旨嗣後各省城守尉協領等三年期滿不必送部引見俟六年時再行引見○三十六年

諭管轄各省駐防兵丁俱設有將軍副都統專管其無將軍副都統域內俱設立城守尉管轄兵丁城守尉職銜雖係三品補放城守尉謝恩請訓例內俱係自行具奏况又駐紮專城教演兵丁是其專責伊等職任尚與副都統相似亦係大員若照各城協領年滿

時由部帶領引見。與體制稍有不符。嗣後城守尉等。即照總管例。三年期滿時。應行陞見之處。令伊等自行繕摺具奏請旨。如不准來。次年再行具奏請旨。著為令。○四十二年奏准。嗣後

盛京各城城守尉年滿

陞見。俱於是年十一月初間奏請。如蒙允准。即於封印前起身赴京。○五十年

諭。嗣後將軍一員。副都統二員之省分。仍著三班輪替來京。如專城副都統。亦著照舊三年期滿來京一次。其餘將軍一員。副都統一員之省分。著候將軍來京。

間隔一年。再令副都統來京。副都統來京亦間隔一年。再令將軍來京。陸見。○五十七年

諭。從前來京之將軍副都統等。俱於封印前後抵京。數年以來。伊等俱於十一月到京。未免多費。而於公事有誤。將此曉諭。年班來京人員外。仍著交各省將軍副都統。城守尉等。嗣後必酌量封印日期。各由任所起程來京。不必太早。○五十九年奉

旨。各省將軍副都統。凡遇陸見年班。即照例來京。不必豫為奏請。臨期將起程署印之處報部。以備查覈。○

嘉慶五年

諭各直省督撫提鎮藩臬除奉特旨諭令來京外其曾經見朕者總俟三年後再行奏請入覲即有升調亦不必陳請陞見各省將軍副都統除年例輪班來京外其有升調他省者均著一體遵行。○六年奏准城守尉三年期滿奏請

陞見若軍政年分卓異引

見後本年適遇期滿即不必奏請俟屆三年再行請旨。○十五年

諭向來秋獮啟鑾以前直隸總督提督密雲副都統馬蘭鎮總兵長蘆鹽政俱於啟鑾前一日齊赴御園請

安。伊等既經來圍。即不能不一體召見。及見面時。並無陳奏事件。且伊等次日即詣清河接駕。隨至南石槽遞摺請安。聽候召見。是先期赴圍一節。實屬繁文。嗣後啟鑾前一日。該總督提督密雲副都統馬蘭鎮總兵長蘆鹽政。俱不准赴圍請安。○十六年

諭向來密雲副都統及直隸各鎮總兵。因距京較近。每遇元旦暨萬壽節。皆豫期奏請來京慶賀。朕或據摺批准。或不令前來。並未定有章程。嗣後直隸各鎮除馬蘭秦甯二鎮外。其天津正定宣化三鎮著同密雲副都統四人分為二班。每歲輪派二人。於封印後來

京作為年班。以後均毋庸豫期奏請。其每歲萬壽節。該四員俱不必奏請來京叩祝。○又覆准熱河前鋒章京副前鋒章京等官。係專為

巡幸熱河進班而設。並不管轄旗務。缺出時。自十月至次年正二月所出之缺。仍送部帶領引

見補放。三月以後所出之缺。毋庸送京恭候

駐蹕熱河。就近引

見補放。至協領職任較大。有管轄旗務之責。遇有缺出。未便久懸。隨時揀選正陪送部。轉咨該旗帶

領引

見補放。其佐領以下等官員缺如奉有

巡幸熱河

諭旨。尚未接到部文以前所出之缺。亦即揀選正陪

咨送部旗帶領引

見。如出缺在接到部文以後。毋庸送京恭候

駐蹕熱河。就近帶領引

見補放。

八旗官守制。○乾隆二年奏准。八旗都統前鋒
護軍步軍各統領。遇有親喪。所有印務。由部奏
請署理。副都統遇有親喪。該旗同辦事之副都

統。又有事故。亦奏委署理。其餘有職任各官。均由該旗委官署理。報部。駐防將軍。都統。副都統。遇有親喪。或回京治喪。或扶柩歸葬。如將軍。都統。來京。印務交本處副都統署理。副都統代為具題。副都統來京。將軍。都統代為具題。若副都統不與將軍同城者。該將軍仍委人署理。均一面具題。一面回京。其本無將軍統轄之副都統。遇有親喪。將印務委官護理。報部。由部奏請署理。俟署理之人前往交代後。起程回京。○又奏准八旗武職。遇有親喪。咨部註冊。百日後入署。

辦事照常支俸。朝會祭祀均免執事。二十七月
內除奉

特旨升轉外。其餘論俸推升之處。概行停止。服闋時
准其積算前俸。○又奏准八旗駐防旗員。父母
在京病故。呈請給假者。該管官委官署理報部。
即令回京。其無大員統轄之城守尉等官。父母
在京病故。將印務委官署理報部。回京治喪。凡
回旗治喪各官。除往返日期外。均給假百日。假
滿呈明該都統等報部銷假。仍回原任。其扶柩
歸葬者。亦照治喪之例給假。○又奏准京外旗

員。如遇父母祖父母及所後父母祖父母在任故者。以故日為始。居喪百日。在他處故者。以聞訃日為始。奉差出征者。差回日為始。皆居喪百日。其父母及所後父母並為祖父母承重者。仍私居持服。盡三年喪禮。如親伯叔父母親兄弟。並妻及娶妻之子故者。居家兩月。親伯叔祖親嫂親伯叔之子。及娶妻之孫故者。居家一月。親伯叔祖母親弟婦親伯叔子之妻故者。送殯後過七日。令其行走。宗族故者。送殯後即令行走。凡居喪持服各官。皆呈報該旗都統及該管官。

准假再在京官。有朝會會射等事。該旗將准假情由報部。並報吏部。○又奏准旗員居喪。遇有應襲佐領世爵者。均於百日後引。

見。○三年定。親軍校前鋒校護軍校驍騎校。雖屬六品。尚與兵丁無異。嗣後兵丁等有親喪者。遇前鋒校等官。仍准於百日後揀選拔補。○六年

諭獨石口所屬之千家店防禦員缺。該副都統奏稱獨石口驍騎校二人。皆未滿服制。而千家店驍騎校一人。又有別項事故。請令該旗揀選補授等語。朕思外省駐防官員。升缺甚少。若因服制未滿。行文在京揀

選補授。則該處應升之人。未免壅滯。著將千家店防禦員缺。仍交該副都統揀選。將所擬之人。服制未滿緣由。行文該旗轉奏。令其暫行署理。俟服滿之日。咨送該旗引見實授。嗣後各邊口駐防員缺。皆照此辦理。○九年奏准。八旗應升五品以上官。因服制未滿。暫請署理者。雖避升轉之名。已得應升之任。與停升之例不符。嗣後五品以上官服制未滿。不准署理。應升之缺。○十一年奏准。護軍遇城門吏員缺。雖有親喪。准其拔補。如已補城門吏之後。服尚未滿。仍停其升轉。○十七年議准。旗員

遇有親喪二十七月內停其升轉。此專指在京旗員而言。嗣後察哈爾八旗各官內除由京補授者仍照例丁憂二十七月外。其本處蒙古官遇有親喪二十七月之內不停升轉。○十八年奉

旨。旗人補用八旗武職。非文員外任可比。嗣後旗員丁艱除文職及綠旗武職仍於二十七月內停其升轉外。其在京武職及外省駐防

陵寢各官。於丁艱二十七月以內遇應升員缺仍准其照例列名請旨補授。毋庸停其升轉。○二十四年

諭嗣後八旗外任文武官員調任及丁憂回京者俱著在原衙門職任及所調之任行走遇缺即行補用。所有期滿補用外缺之處概行停止。○三十九年奏准在京武職及各駐防並

陵寢地方旗員遇有親喪咨部註冊百日後入署辦事。照常支俸。凡入朝進署及一切公所准穿素服。惟進至

御前應用吉服時仍從吉服。一應朝會祭祀之處俱免其執事。其二十七箇月服制內遇有應升之缺仍一體開列升轉如應升引

見補放人員。於百日期滿後帶領引

見補放。○又奏准在京在外駐防滿洲蒙古漢軍武職官員。如遇親父母祖父母及所後父母祖父母在任故者。以故日為始。居喪百日在他處故者。以聞訃日為始。居喪百日如奉差出征者。以差回之日為始。居喪百日其親父母及所後父母。並為祖父母承重者。仍私居持服。盡三年喪禮。如本生父母親伯叔父母親兄弟妻室娶妻之子及養母故者。居家一月若同居承辦喪事者。居家兩月。親伯叔祖親伯叔祖之子親伯叔

之子親兄弟娶妻之子親嫂親媳娶妻之孫及
有子庶母故者送殯後過七日令其行走親伯
叔祖母親伯叔祖子之妻親伯叔祖之孫親伯
叔之孫親弟婦親伯叔子之妻親兄弟子之妻
親孫之妻故者送殯後即令其行走宗族故者
照常行走凡官員居喪持服俱呈明該旗都統
及該管官准假再在京官員凡遇有上朝會射
等事該旗將准假情由報明吏兵二部○嘉慶
六年奏准軍營辦事人員遇有父母在旗身故
者不必拘定回京聞訃統以該員父母身故之

日起。扣算服滿。該員回京後。止令穿孝百日。毋庸再扣二十七箇月。亦毋庸停升。○十二年定。旗員副將丁憂。及患病回旗養親事畢。副將參將遊擊都司守備各項人員。均由各該旗隨時咨送兵部帶領引。

見。或以原官補用。或以旗員補用。於摺內聲明請旨。如奉

旨。以侍衛旗員等項補用者。即咨送各該處遇缺奏補。如以原官補用者。副將遇有部推缺出。具題請補。參將遊擊都司。歸於雙月候補班內。按奉

旨日期先後補用。守備於雙月五缺後補用一人。

十六年

諭丹巴多爾濟等奏。鑲藍旗漢軍丁憂雲南普洱鎮總兵尚維侗百日孝滿。不必拘泥漢員丁憂之例。呈請賞給苦差效力等情。轉奏請旨一摺。凡漢軍大員丁憂。向例俱照漢員丁憂二十七箇月。未有呈請賞給差使者。從前巴哈布丁憂時。亦於伊服滿後始加恩補授少卿。尚維侗不過由整儀尉漸用至總兵之人。今百日孝滿。自當遵例丁憂二十七箇月。乃具呈云身受殊恩。未能答報。懇祈賞給苦差效力等語。牽扯

多辭。甚屬取巧。尚維侗著。仍照漢員丁憂二十七箇月之例。不必賞給差使。○十七年議定。嗣後官員遇有妻喪。除宗室隨旗行走之不入八分公以下。八旗閒散世職公以下。武職大門上侍衛及翼尉參領冠軍使以下。各令報明本旗本衙門。分別咨報宗人府兵部。仍准其給假一月外。其在御前

乾清門行走之王公大臣。俱令囑同官具摺代奏。給假十四日。其餘不兼職任之王以下。入八分公以上。令報明宗人府轉咨。

御前大臣及軍機處。旗營各大臣。令報明本衙門。於奏事摺內註明。散秩大臣。令報明侍衛處。

御前

乾清門侍衛。令報明該管大臣宗室王公兼職任者。各照職任之例。俱給假二十一日。各於假期滿後一體行走。當差其期年內不與朝會祭祀典禮之處。仍遵照舊例。

終養。○乾隆元年奏准。駐防官遇有父母祖父母年登耄耋疾病纏綿。路遠不能迎養。家無次丁侍奉者。許將情由呈報該管官出具印甘各

結報部。准其終養。儻有規避假捏者革職。出結官降二級調用。不詳查之該管上司。罰俸一年。
○又奏准八旗各官奉

旨記名。及軍政卓異及年久應升。遇有父母祖父母年登耄耋。疾病纏綿。家無次丁侍奉者。許將情由呈報該管官出具印甘各結。轉報該旗都統等奏明交部註冊。停升外任京官仍開列。如有規避假捏者該員及出結並該管官。皆照駐防官呈請終養不實例議處。○三十八年

諭親老改補近省。本屬漢員相沿之例。八旗人員。與漢

員本不相同。即不為外任。在部在旗。均得當差報效。若以親老照漢員一體辦理。殊未允協。嗣後八旗升遷官員。如實係親老不能遠離者。得缺後許其呈報該部帶領引見。候朕酌量改用。或以旗員或以部缺改用。自無不可。候該員養親事畢。仍照伊原得之缺坐補。著為令。○四十二年奉

旨。嗣後旗人終養之例。著停止。其有親老情願回京者。准其呈報督撫。奏明送部引見。文員以部屬用。武員或用侍衛。或用旗職。候朕酌量降旨。四十九年奉旨。嗣後各旗文武官員。如有父母年至七十五歲以上。

者。均不准其保送外任。○五十六年

諭嗣後武職病痊起復。在侍衛旗員上行走及終養事畢人員俱著照吏部文員之例於每年冬季一併彙齊引見。

武職開列。○康熙三年題准。直省提督員缺以八旗副都統現任總兵官論俸開列。總兵官員缺。以八旗參領現任副將論俸開列。如一員缺。內外輪推。二員缺。內外各推一人。均將俸深十人列名具題請

旨補授。副將員缺。將應升副將之人通行較俸推升。

○五十一年奉

旨。提督員缺。以副都統開列具題。總兵官按年分繕摺進呈。總兵官員缺。以參領開列具題。副將按年分繕摺進呈。○雍正四年。覆准副將員缺。停其在部推升。將俸深參將十人。並應補副將之人。文到部者。一併開列具題。再將俸淺參將內。有軍功保舉者。不論多寡。別繕名單。隨本進呈。○六年奉

旨。副將員缺。將本省現任參將。一併開列具奏。○八年。議准。福建臺灣水師營副將。俸滿之日。該督提查覈題報。遇有水師總兵官員缺。於開列本內

將俸滿之處聲明。十年議准。服滿候補副將
人文到部。遇有員缺。指名題請補授。俟奉

旨後引

見。乾隆三年奉

旨。各省總兵官副將員缺。於具題補授之時。或係水師。
或係陸路。均於開列本內聲明。其別摺開列之副將
參將。或現係水師。或現係陸路。亦於摺內聲明。六
年奏准。提督員缺。將八旗漢軍副都統論俸開
列十人具題。總兵官按年分繕摺隨本進呈。總
兵官員缺。或係水師。或係陸路。本內聲明。將八

旗漢軍參領論俸開列十人。副將分別水師陸路。按年分繕摺。並將記名副將。繕摺隨本進呈。副將員缺。將記名參將。繕摺隨本進呈。如副將參將內。有俸滿議敘應升即用者。均於摺內聲明。○二十九年奏准。總兵缺出。照例分別水師陸路。將軍政卓異。保列一等之副將。一體繕寫職名。隨本進呈。○又奏准。直隸山永協副將一缺。將巡捕營並直隸本省。以及山西山東河南附近省分。應升副將之現任各參將。開列職名具題。請

旨簡補。四十二年

諭嗣後漢鑾儀使缺出。兵部止須將俸深之總兵幾員註明年歲。及有無事故。同俸深冠軍使一員。開列進呈。候朕簡放。其提督一項。毋庸開列。著為令。○五十年

諭各省副將缺出。無論部推題補等缺。將本省合例應升參將。及各省俸深人員。與記名及一等卓異者。概行開單進呈。候朕簡放。以昭畫一。著為令。○又奏准副將員缺。例將記名參將。繕摺隨本進呈。其參將出師得有功加者。遇開列副將時。另行繕單

進呈。○五十八年議准。各省水師副將缺出。如本省無合例之員奏請。

簡放者。由部將合例應升副將之現任水師參將。開列請。

旨簡放。○嘉慶四年

諭。嗣後總兵缺出。該部如有應行補放人員。照吏部呈遞缺單之例。夾單進呈。○六年奏准。各省提督缺出。將左右翼總兵。並八旗滿洲蒙古副都統。同漢軍副都統一體論俸開列十員具題。各省總兵。無分滿漢。各按其食俸年分繕摺隨本進呈。○

十二年奉

旨嗣後凡遇請派揀選文職官員。係會同吏部者。吏部堂官即毋庸開列。揀選武職官員。係會同兵部者。兵部堂官即毋庸開列。著為令。○十三年議准。總兵遇有差務公出。該督撫於委署時。即行奏

聞。至副將遇有升遷事故。懸缺需員署理。如委署在一年以內者。該督撫恭疏具題。如在一年以外者。一面遴員委署。一面奏

聞。其有因公暫時差遣。遴員委署。照例隨時咨部存案。毋庸具奏具題。

武職

陸見

謹案副將等官開列補放提鎮後始准奏請
陸見是以向附開列事例今仍其舊

○

乾隆元年

諭朕因各省提督總兵官未經識面者甚多是以降旨令其酌量先後來京陸見查會典開載有提鎮到京赴部投文聽候引見之條但此例不行已久督撫提鎮同為封疆大吏督撫既不赴部引見則提鎮到京亦准其即赴宮門請安候朕宣召不必先行赴部至伊等起程赴京及回任日期仍循舊例報部以便稽查○二十三年

諭各省提鎮皆有專閫之責。履任三年已滿。自應請旨
陞見。候朕隨時察看。以別賢否。向來未經定有成例。
或有間越數年。不行奏請入覲者。殊非慎重職守之
意。嗣後各提鎮著照藩臬之例。三年已滿。奏請陞見。
如未允准。次年仍具摺請旨。其踰期不行陳請者。該
部即查明具奏。○二十四年

諭前經降旨。令各省提鎮履任已滿三年。請旨陞見。其
踰期不行陳請者。著該部查明具奏。今兵部查奏踰
期未請陞見人員內。或曾經調任。遂以新任計算。未
滿三載。為詞。嗣後各省提鎮。均遵前旨。一屆三年。即

行奏請。不得以調任展扣稽遲。致違觀典。○二十五年議准。提鎮到京。

陞見及

陞見後起程日期。俱應報部查覈。如不行報部者。叅處。○三十二年

諭前經降旨。令各省提鎮照藩臬之例。三年奏請陞見一次。如未允准。仍於次年具摺請旨。此指曾經陞見者而言。今顧鉉自授總兵以來。未經陞見。雖於到任之初。奏請一次。其時並未允准。該鎮仍當於次年專摺請旨。何得率照已經陞見人員。復越三年。始行續

奏殊屬不合。顧鉉著交部議處。嗣後各提鎮有似此踰期者。並著該部查明叅奏。○四十一年

諭提鎮為專閫大員。責任綦重。自當以營伍公務為念。各鎮奏請陞見。朕多批以問之總督。於可來時來。此即令其待署印人之意也。其偶有批准來者。若一聞准其陞見。即將印信交付中軍起程。既於體制未協。且恐兵丁等見統轄無人。易生玩縱於事。甚有關係。著通諭各省提鎮。嗣後如有奏准陞見及事故離任者。俱著俟署印之員到任交代後。方准起程。違者該部查明照例議處。○四十五年

諭嗣後凡曾經因事召見人員俱著扣准三年奏請陞見嘉慶三年奏准伊犁鎮總兵俟五年俸滿調回內地再行奏請

陞見○五年

諭嗣後督撫提鎮藩臬除奉特旨諭令來京外其曾經見朕者總俟三年後再行奏請入覲即有升調亦不必陳請陞見○六年

諭閩浙兩省總兵分年輪班入覲不必拘定陞見年分亦不必限以年底總視各鎮現無應辦要務者每年酌令輪替來京瞻覲以重地方而昭職守各省均當

一體遵行。○又奏准各省提督總兵於接到補放

諭旨之日如

陛見已過三年者即行奏請

陛見如並未

允准仍於次年專摺請

旨。儘逾期不奏由部即行查叅將應奏不奏之提鎮
降二級調用。○十五年

諭臺灣遠隔重洋在海疆中尤為最要之區該處文武
大員惟鎮道二人管轄兵民職守綦重雖洋面肅清
漳泉客民鬪案亦俱完結但地處重鎮時資彈壓該

鎮豈容暫離。即如新疆辦事大臣。從無奏請陞見之事。邊疆外海宜同一例。嗣後臺灣鎮總兵。除有升調准其奏請陞見外。餘俱不得奏請陞見。著為令。

欽定大清會典事例卷五百六十一

兵部

職制 銓選一

銓選○順治十一年題准。職方司每兩月一選。武選司每三月一選。○康熙元年題准。兩司選期均改雙月。尋併歸武選司由部會同科道掣籤。又題准。現任推升武官。由部會同科道代為掣籤。選補各官。悉令親掣。○七年題准。停止會同科道掣籤。○十一年題准。候選營衛各官。均於單月初一日投供。初三日過堂。照文到先後於雙

月二十五日掣籤。如掣籤不到者。以規避題參革職。有衰老病廢者。於過堂時驗明。勒令原品休致。又議准。每月截缺。以二十日為限。二十日以內員缺到部者。入於本月推選。二十一日以後到部者。歸於下月推選。其由部議處以降革具題開缺者。每月十二日以內到部。於十七日以內具題。入本月推選。十三日以後到部。歸下月推選。又議准。督撫提鎮糾察貪酷各官。或應革職提問。或應解任聽勘。及奉

旨提解來京。並別部提解質對。此省之官。有應發往

彼省質審訊問者皆開缺歸於月分將應用之人銓選。若本省所屬各官有質審訊問情節者不行開缺。又議准營衛守備以下微員遇有老病請休及告假等項事故咨文到部之日即行開缺。於半月彙題。又題准雙月參將遊擊都司員缺係二月分以參將遊擊之缺用一等二等侍衛。參將遊擊並有員缺先用參將每年止用一人。係四月六月八月分以遊擊都司之缺用三等侍衛。遊擊都司並有員缺先用遊擊每年止用三人。均按月行文領侍衛內大臣鑒儀衛將行走已滿三年揀選二

三人。出具考語送部引

見恭候

簡用。守備員缺以開復降調捐還三項相間輪用一

人。班為選武進士用二人。班為科年滿保送千總註

冊候推者用二人。班為委澎臺俸滿千總與難廕

守備以營用者相間輪用一人。班為副無職任之

功加應用守備考驗一等者用一人。班為功效勞

期滿以營用者用一人。班為勞候補候選守備捐

即用者用一人。班為捐武進士充補提塘年滿者

用一人。班為效力分發各省題補之千總用一人。

為分發千總班一。巡捕營當差千總為當差千總班一。

廕生改武以營用者用一人。為廕生改武班一。○又議

准應選之武舉武進士取本籍地方官印文申

送督撫給咨赴部候選其會試下第武舉本年

內具呈者照本籍起送會試文書並部給執照

准入冊投供候選次年具呈不准營衛裁汰還

職降調並完糧給劄及完糧開復各官或由現

任督撫或由原籍督撫給咨赴部年滿千總及

功加各官由該省總督給咨赴部如無總督者

由提督申送赴部無提督者由總兵官申送赴

部。若屬將軍巡撫標下者。由將軍巡撫給咨赴部。均照各省定限赴部投供。聽候選補。○又題准地方失事。督撫提鎮題叅疏防各官。以揭帖到部。停其升轉。如無揭帖者。以科鈔到部。停其升轉。如輪推已經掣籤。尚未具題。有以地方失事題叅奉

旨到部者。即行扣除。督撫提鎮特疏糾叅各官。亦以揭帖到部。即停升轉。如無揭帖者。以科鈔到部。停其升轉。其提問拘問者。不候事結。即停升轉。若督撫提鎮題叅因公註誤之案。議覆未結。及

科道糾參。或被人訐告等事。議覆未結。遇有升轉不停。○雍正元年議准。候選營衛各官。於掣籤後。考驗人材弓馬。如庸劣不堪者。奏請革退。其衛所各官內。祖父有拖欠錢糧者。扣除不用。俟錢糧完日再補。○三年議准。各官選用。升用之後。如督撫提鎮將前官題留原任。或別題補有人。其選升之人。未經引

見奉

旨者。仍歸原班即用。其選用已經引

見。升用業已奉

旨。尚未給劄。及給劄尚未赴任者。不入班次。雙單月
遇缺即用。若有情願赴該省候缺者。仍令前往。
遇有員缺。該督撫提鎮即行題請補授。其已經
給劄赴任。無任可到者。各留該省。遇缺即行題
請補授。若無應得之缺。暫令署事。俟有員缺。即
行題請補授。如該省出有應歸月選之缺。由部
即行奏請補授。○又奏准功加應用遊擊都司
者。歸於雙月用。應用守備者。雙月單月皆立一
班。雙月用無職任效力應用守備之功加。單月
用外委及現任千把總應用守備之功加。其應

用都司之功加。准以都司守備兩項兼補。○八

年議准。應升參將各官。如係大街遊擊。都督衛以下。遊

擊衛以上。管遊擊事者。升參將者。令赴參將任。若係小街

參將。參將衛以上。管參將事者。應升衛者。加衛一等。

留原任一次。其員缺。以接次應升之大街遊擊。

並升衛留任一次。應行調任之小街參將升用。

如接次無應升之大街遊擊。並應行調任之小

街參將。即將升衛之小街參將。亦令赴新任。應

升遊擊各官。如係都司及大街守備。都督衛以下。署都司

衛以上。管守備事者。升遊擊者。令赴遊擊任。若係小街遊

擊

署遊擊銜以下。署守備銜以上。管遊擊事者。

應升銜者。加銜一等。

留原任一次。其員缺。以接次應升之都司及大銜守備。並升銜留任一次。應行調任之小銜遊擊升用。如接次無應升之都司及大銜守備。並應行調任之小銜遊擊。即將升銜之小銜遊擊。亦令赴新任。○又議准。卓異官引

見奉

旨准其註冊者。歸入二月四月六月十月分。以應升之官即用。俟升任後。即將其卓異註銷。○十年奉

旨。武職引見扣除者。照吏部例。將應否一體掣籤之處。於月選前請旨。○又議准。武職各官。裁汰赴部候補者。按人文到部日期先後。無論雙單月。不入班次。遇缺即用。○十二年議准。部推小銜參將。小銜遊擊。初次升銜者。均加銜一等。留原任一次。其員缺。以接次應升之大銜遊擊及都司並大銜守備升用。○乾隆元年奏准。發回原任千總。各督撫提鎮。或因題缺多用。掾保人員。或因題缺無多。礙難保題。此項千總。既經督撫提鎮保送。發回原任。轉致壅滯。嗣後各該督撫提鎮詳

加考驗。如人材壯健。技藝優嫻。堪膺題補。而實無缺可題者。出具考語。造冊送部。將現在選隨營候推千總之二委班內。分一班選發回原任之千總。照奉

旨發回先後挨次用。俟此項千總用完。仍用隨營候推千總。○又奏准各省保送水師千總。授為藍翎侍衛。原以備用水師各官。但並無水師可用之缺。以致守候無期。向例每年單月。陸路都司守備員缺。先用藍翎侍衛一人。一年止用五人。嗣後備用水師之藍翎侍衛。遇有部推內河水

師都司守備員缺。行文領侍衛內大臣。揀選二三人。出具考語。送部引。

見恭候

簡用。○二年奏准。四等侍衛與藍翎侍衛品級相同。毋庸別立班次。歸入藍翎侍衛班內。一例揀選。送部引。

見恭候

簡用。○五年奏准。候選武進士。有情願分發各省。隨營學習者。以五年為滿。果弓馬嫻熟。諳練營伍。准以守備題補。如未滿五年。已屆銓選之期。或

因弓馬稍次。經督撫造冊送部銓選。於原定二
科班內。以一班選用在部投供揀選一等二等
武進士。按其揀選年分等第名次先後。以一班
選用分發各省武進士。按其科分名次先後。如
分發各省武進士無人。所有一班統歸在部投
供武進士選用。○又奏准功加考驗一等應用
遊擊都司者。入於雙月推用。應用守備者。入於
雙月單月輪班用。其候補遊擊情願告降者。亦
准以守備用。均按引

見日期先後用。如同日引

見現任千把按食俸之先後用。無職任效用者。按食糧之先後用。○又奏准營衛各官奉

旨即用者。無論雙單月。不入班次即用。其奉

旨補用各官內。如守備守禦所千總衛千總有班可歸者。仍歸本班用。若無班可歸者。均入於雙月分。以奉

旨之日起。積算用五人後用一人。如有同日奉

旨者。在部公同掣籤。先用一人。其餘再加算五人後用一人。至奉

旨以何省補用者。遇該省有缺。即先准補用。○六年

奏准雙單月升選參遊都守等官。彙為一疏具題。○七年奏准雙月選用營守備之武進士。原有二班。以一班選在部投供揀選一二等武進士。以一班選用分發各省武進士。如分發各省武進士無人。所有二班統歸在部投供武進士選用。今分發武進士未經選用者。人數尚少。不致壅滯。惟揀選一二等之武進士。未經選用者。人數甚多。約計一年之內。僅用三四人。未免壅滯。按雙單月選營守備班內。均有功加一項。久無在部投供應選之人。遇輪班選用之時。每以

無人過班。嗣後在部投供武進士。除雙月原班
仍照例選用外。其雙單月輪用功加之時。若無
應用之人。即將在部投供之武進士選用。○八
年奏准。武職各官。有因父母年老。告請歸養者。
終養後赴部候補。無論雙單月。不入班次即用。
○又奏准。候選營衛各官。初次赴選。均取具原
籍督撫布政使司印文。赴部投供。方准銓選。但
投供後。有因選期尚早。回籍者。往往遲至二三
年。以及六七年。復行赴部投供。若因其回籍既
久。行詢原籍。俟咨覆到日。始行銓選。未免等候

稽遲。若不行詢。其在籍有無事故。無憑查考。應酌定候選營衛各官。有投供後回籍未過一年者。免其行詢。如已過一年。無論年分遠近。令取具同鄉京官印結赴部。一面准其投供銓選。一面將在籍有無事故行詢原籍。如咨覆到日。並無事故者。即存備案。如有事故。即行具奏辦理。○又奏准。每月十二日以前到部。應具題開缺者。遇二十日內有例不進本日期。即具奏開缺。○又奏准。營守備一項。先因捐納無人。將舊有捐班裁去。改為效力班。今應於效力班之上。仍

設一捐班。按投捐日期先後用。○又覆准。巡捕三營各官。有照例叅送議處之案。不至降級革職者。不停升轉。遇有員缺。准其照常揀選升拔。所有原叅處分。帶於新任。○十年奏准。年滿隨營候推之千總。向例入於雙月兩委班內選用。嗣因發回原任之年滿千總。無班可選。奏准將二委班借用發回原任之年滿千總。如發回原任之年滿千總用完。仍選隨營候推千總。隨營候推之千總甚多。若止以一班銓選。候缺需時。甚屬壅滯。定於第二委班下再增一委班。用隨

營候推千總。俟發回原任千總用完之日。仍將
第二委班歸還。隨營候推千總統計。共以三班
銓選。可得漸次疏通。○又奏准年滿千總隨營
候推者。雖於兩委班之下。增設一班選用。但該
員等在外既無題補之缺。而第二委班尚有發
回原任之千總選用。約計候推千總一年不過
選用三四人。究屬缺少人多。查雙月選用守備
班內有捐班。現在捐納無人。又單月有升班。係
以營用之門衛千總升用。亦屬無幾。嗣後輪用
捐班升班之時。如本班有應用之人。先儘本班

選用如無應用之人即將隨營候推千總選用。
○十一年奏准內河水師都司應歸部選者四。
守備應歸部選者八。如遇都司員缺仍用水師
藍翎侍衛。其守備員缺以水師藍翎侍衛及水
師年滿千總輪流間用。○十二年議准武職各
官既迴避本省論俸推升時如遇籍隸本省之
小銜參將小銜遊擊雖係初次推升例應留任
一次者不必仍留原任即加銜一等令赴新任。
○十三年奏准官員開缺為銓選所關必分別
畫一辦理方免高下其手。千把微員議處應降

革者。半月內彙題開缺。營衛守備以上各官。議處有應革職降調者。按文到日期先後。逐案題覆開缺。如降級抵銷降級留任停升住俸罰俸等案。不開缺者。於半月內彙題。副將有以老病告休者。員缺不便久懸。逐案題覆開缺。至老病告休之參遊都守。均以揭到日開缺。於半月內彙題。○十四年奏准。現任武職各官。因姻親迴避赴部候補者。人文到部歸於雙月。不入班次即用。○十五年奏准。隨營候推之年滿千總。壅滯甚多。雖經疏通。約計每年選用不過十餘人。

而未經選用者。日漸加增。銓選竟無限期。按雙月選用守備劄班。係澎臺俸滿千總與難廕守備以營用者。相間輪補。今難廕無人。澎臺俸滿千總註冊候推者。人亦甚少。每值此班因無人輪用。將缺歸於下班用別項之人。嗣後雙月輪用劄班之時。如遇本班有應用之人。先儘本班選用。如無應用之人。即將隨營候推千總選用。○又奏准開復守備。於還班內輪班間補。每年僅用一二人。現在投供者。須至二三年之久。始能得補。守候需時。向例廕生改武者。於各班之

未用一人。現改武廕生甚少。每值此班。竟無人輪用。嗣後開復守備。仍於還班照例開補外。如輪用廕生改武之班。本班有應用之人。先儘本班選用。如無應用之人。即將開復守備選用。又奏准。雙月應用遊擊都司之三等侍衛。一年共用三人。加之有揀選分發各省委用者。遂至行走已滿三年之人。漸致稀少。屢遇遊擊員缺。僅以一人請。

旨補授。是一人指補一缺。既與定例未符。亦覺升遷太速。定以四年為滿。方准保送。如遇應用月分。

行文領侍衛內大臣鑒儀衛將行走已滿四年者。保送二三人引

見恭候

簡用。如無合例之人。即以無人保送咨覆由部別行銓選。若僅止一人。經領侍衛內大臣鑒儀衛以弓馬嫻熟保送者。由部考驗。果弓馬嫻熟。即引見補授。如弓馬生疏。駁回。令其演習。俟嫻熟後。同其次年滿侍衛一併引

見四等侍衛藍翎侍衛。定例亦係行走三年。以單月都司守備用。每年共用五人。亦照三等侍衛之

例。統以行走四年為滿。○十七年奏准外海水師降補人員。因並無部推之缺。該員等到部後。均奏請引。

見。或發往該員本省。或發往鄰省。有外海水師之題缺者。交與督撫等。以該員應用之缺。酌量題補。至內河水師降補人員。向來未有辦過成例。該員等一經降調赴部。其參將遊擊。尚有部推之缺。可以銓補。至守備一項。部推雖有八缺。先經奏准。第一缺用水師藍翎侍衛。第二缺用造冊送部選用之水師年滿千總。再有缺。均照此輪。

用在案。是降調赴部應補內河水師守備。無班可歸。嗣後內河水師守備。照外海水師之例。遇有降調守備者。由部引

見請

旨發往有內河水師守備題缺之江南廣東二省。交與該督等。與應補人員一同酌量題補。再查內河水師部推都司。止有四缺。亦經奏准補用水師藍翎侍衛。如有降補都司之人。亦無班可歸。查內河水師都司題缺。江南四。浙江一。嗣後遇有降補都司赴部者。並照守備一例辦理。○十

八年

諭武職兼銜。乃沿明代舊制。其中升銜升任。條例紛繁。即以敘錄軍功。不可不留此勳階。以為獎賞之地。然與現任職事何與焉。徒使胥吏得以高下其手。且外省參遊。遇升銜調任。畏遷移繁費。至有營求督撫保奏留任者。是升銜本以鼓勵戎行。而日久轉為苦累。亦何用此虛文為也。嗣後武職中之大銜小銜。應刪除更定。一歸簡易。止就現在官職。分別年分。論俸升轉。著該部詳細定議具奏。欽此遵

旨議定。月選參將以下。守備以上。嗣後不論銜大銜小。

參將員缺。以遊擊論俸推升。遊擊員缺。以都司論俸推升。都司員缺。以守備論俸推升。守備員缺。將各項應用之人。按次升選。但查各省參將一百六十三員。遊擊四百五十員。都司三百四十八員。守備八百十有八員。向例加署都司銜以上之守備。即升遊擊。是遊擊都司雖分階級。在守備原可兩途推升。今加銜既奉

旨刪除。守備止應升都司。不得升遊擊。都司數少。守備數多。升途未免遲滯。應將遊擊守備酌改都司。除獨營遊擊分防要地。未便更易。當於同城駐

紫之遊擊。有二三員及三四員者。酌改都司一
二員。行令各省督撫提督。酌定報部註冊。再各
省副將之中軍。多係都司。惟臺灣澎湖興化閩
安延平張家口之副將中軍。現係遊擊。陝甘督
標河東河標兩廣督標廣州將軍標及江南太
湖營之副將中軍。現係守備。體制皆未畫一。除
澎臺係海外重地。應仍留遊擊。以資彈壓。毋庸
議改其餘遊擊守備。均改都司。合之各省。通改
都司八十員。以為守備升用之地。其現任遊守
仍照原官升轉。離任後陸續更換。又定俸深

各官內。向有升銜留任調任之別。若將調任各官。扣除交代離任日期。則較之留任之人。竟有食俸在先。計俸在後者。嗣後論俸推升之各官。由從前調任者。除告假及緣事日期。仍照舊扣除外。其調任交代日期。概不扣除。○又奏准定例。升選營守備。單月九班。雙月十四班。單月九班內。升班功班。分發班。當差班。皆以武進士及年滿千總等項選用。惟小銜守備五班。向以署守備之守備加銜調任。現既刪除加銜。則此五班無人選用。單月止存四班。雙月仍存十四班。

未免多寡不均。十四班內。劄班功班捐班現在無人。每以武進士年滿千總借用。應將此三班歸入單月。如遇本班無人。仍照舊借用。定為單月七班。雙月十一班。分別選用。○二十七年奏准武職升遷事例。總歸武選司承辦。議處議敘事例。總歸職方司承辦。○又奏准嗣後綠營千總一體歸於軍政。將歷俸三年。堪膺保薦者。填註考語。送部引

見奉

旨准其卓異後。於雙月各班之末。另立卓異一班。照

例按俸與各班人員一併輪用。又題准文武官員赴部引

見令該督撫於咨內限定到部日期。如遇中途患病等事。取具地方官印結。扣限三箇月。再有稽遲。照赴任違限例議處。如患病至三月以上不痊。地方官即行驗看。出結申報督撫。分別題咨開缺。二十九年奏准。服滿候補漢副將到部後。遇有缺出。擬補具題。帶領引

見。又奏准。難廕守備。按引

見以營缺用日期先後補用。如同日奉

旨。以題廕先後為序。武進士充補差官提塘。按期滿
先後補用。如同日期滿者。按揀選年分名次銓
補。武舉充補差官。按引。

見以營缺用日期先後補用。如同日奉

旨。以期滿先後為序。如同日報滿。照揀選年分名次
銓補。如一班內武進士武舉同日應用者。掣籤
選補。捐納人員。按上庫日期先後推用。如同日
上庫掣定先後名籤註冊。挨次推補。○又奏准
漢軍一等二等侍衛。與漢軍冠軍使雲麾使護
軍營行走之三品漢軍世職。每年四月。八月分。

遇有參將缺出。擬補各一缺。十月分。遇有遊擊缺出。擬補一缺。一年止用三缺。漢軍三等侍衛。與漢軍治儀正。護軍營行走之四品漢軍世職。每年二月。十二月分。遇有都司缺出。擬補各一缺。十月分。遇有都司缺出。擬補二缺。一年止用四缺。漢軍藍翎侍衛。與漢軍整儀尉。護軍營行走之五品漢軍世職。每年二月。八月。十二月分。遇有守備缺出。擬補各一缺。一年止用三缺。如遇應用缺出。由部行文領侍衛內大臣並鑾儀衛八旗護軍統領。將應升人員。亦保送數員到

部。照例考驗弓馬好人。去得有材技者。揀選二三員。帶領引。

見恭候

欽定一員補授。至鑾儀衛各員內有軍政卓異。先儘卓異官員升補。○又奏准各省奏請揀發人員。其一等二等三等侍衛。藍翎侍衛。均行走已滿二年。始准保送。揀選引。

見○又奏准健銳營需用水師藍翎侍衛。由部行文福建廣東總督。於千總內揀選熟諳水師人員。福建省保送六員。廣東省保送四員。由部帶領。

引

見恭候

欽簡補授藍翎侍衛在健銳營行走以備揀選水師之用。○又奏准單月內河水師都司缺出將現任內河水師守備較俸推升。雙月內河水師都司缺出以水師藍翎侍衛補用。由部行文健銳營將水師藍翎侍衛揀選二三員。出具考語送部帶領引

見恭候

欽定一員補授。○又奏准雙月單月內河水師守備

缺出。第一缺補用水師藍翎侍衛。第二缺補用水師年滿千總。第三缺補用水師卓異千總。再有缺出。照此輪流間補。應用藍翎侍衛時。由部行文健銳營。將水師藍翎侍衛揀選二三員。出具考語。由部引

見恭候

欽簡一員補授。○又奏准。現任武職。及新選推升遠省官員。有以親老呈請者。俱准其改補原籍附近省分。於服闋時報部註冊。仍俟從前所得原缺缺出調補。○又奏准。副將因裁缺終養及姻

親迴避等項。赴部候補者。人文到部後。遇有部
推副將缺出。由部擬補。參遊都守各官。因裁缺
終養赴部候補者。人文到部後。無論雙單月。遇
有缺出。不入班次。即補。如姻親迴避。赴部另補。
人文到部後。歸於雙月遇缺補用。如人文同日
到部。按離任日期先後補用。○三十二年奏准
陝西甘肅二省屯防官員。屆推升之期。除掣得
本省之缺。令其補授外。如推升他省。由部覈其
在半年以內班滿者。仍照舊推升。其在半年以
外者。扣除。以升銜留任。遇有各本省應升選缺

坐補。未經坐補之先。仍照升銜論俸。保題升用。
○又奏准。外省現任武職。俸滿卓異。保舉各項
引

見應升人員。如有親老。准其於引

見後。取具同鄉官印結。呈明存案。升用時代掣近省。

聲明請

旨。至現任應升人員。亦准其豫詳總督巡撫。取結咨
部辦理。如掣缺後。不准再行呈改。服闋時報部
註冊。仍俟從前所掣原缺。缺出調補。○三十四
年

諭。據楊廷璋奏。驗看推升遊擊之都司蘇六。精力衰老。弓馬不堪。不特不宜升任遊擊。並難勝都司之任。請旨勒休等語。所奏甚是。各督撫驗看推升武弁。其中即有年力衰頹。不能勝任者。往往以已經升用。心存姑息。概行送部。楊廷璋乃能於驗看之時。據實奏聞。具見實心任事。並令各督撫詢明。其中如有自不服老。不甘廢棄者。即照大計六法官例。送部引見。候朕定奪。以服其心。嗣後督撫驗看推升武弁。亦照彼畫一辦理。著為令。○三十六年奏准。健銳營水師藍翎侍衛裁汰。改為委署千總把總。○三十七年奏

准月選各官守部投供。現有親老改近於雙單月初一日投供驗到之期。即行呈明。其由京職推升外任。例不投供。令其豫行據實呈明親老實年若干。均俟掣籤之時。公同覈定。如所掣之缺。本係近省。將原呈註銷。如係遠省。行查原籍。咨覆到日。以近地改補。服闋之日。仍以所掣之遠缺坐補。○又奏准。外海水師人員。奉

旨。交部推用者。副將參將。由部將鄰近有外海水師題缺省分。開單進呈。恭候

欽定發往。其遊擊都司守備。由部發往該員本籍。令

該督提於隔府別營。以應用之缺酌補。○又奏准候補都司以上參將遊擊各官。按人丈到部日期先後歸於雙月分補用。○又奏准留部以參將補用人員。如積至五員以上。由部即行帶領引

見將有題缺省分開單進呈。恭候

欽定發往題補。○又奏准侍衛處鑾儀衛八旗護軍統領應放月缺參遊都守。保送有人。仍照例揀選引

見請

旨簡放。若僅止一處保送二三員。尚堪入選者。仍帶領引。

見如俱難入選。將員缺扣留。歸入下月別項人員銓補。○又奏准。雙單月內河水師守備缺出。以第一缺補用水師年滿千總。第二缺補用水師卓異千總。再有缺出。照此相間輪用。○又奏准。月選官員。有掣籤後告病者。准附於下月引。

見如下次病尚未痊。開缺另選。至恭遇。

巡幸行圍之前兩月。有託病不即引。

見。冀歸下月王大臣驗看補放者。一經具呈告病。即

扣除開缺。俟另選得缺帶領引

見時。將該員選缺分之遠近。隨摺奏

聞。恭候

欽定。○四十年奏准。在部投供之外。省候選營衛各員。於投供時。由部將各該員本籍咨送年貌文結覈對。僅有將年紀報少。蒙混選用者。據實叅奏。其八旗在部投供人員。該旗將各該員等實在年貌履歷造冊送部。投供時。由部覈對。如有隱瞞年歲。即將該員及本旗出結之員。從重叅處。○又奏准。參將遊擊都司。備終養服滿

各官引

見奉

旨不必坐補原缺者。照文職之例。入於單月五缺後選用。○又

諭。嗣後武職引見。如有陸路遊擊交軍機處記名者。即著兵部存記。自該員記名之日起。扣至二年。部中遇有參將缺出。將該員記名之處聲明題補。再扣足二年。遇有副將缺出。將該員名單進呈。其都司以下。如遇有軍機記名者。亦即照此遞升之例辦理。○四十年

諭嗣後朕巡幸時。王大臣等驗看月官見有人缺。不相當者。即為商推酌擬對調。仍令派出之九卿科道覆看。如意見相同。即一體聯銜具奏。請旨遵行。若九卿科道中。或有言所擬尚未允協者。著吏部將所言之人記名。並將擬調之員扣存。候朕回鑾後。引見定奪。如擬調果未愜當。則王大臣自難辭咎。若所擬本屬不爽。惟於異議之人是問。其武職內有應分別營衛者。亦一併酌覈妥辦。著為令。○四十二年奏准鑾儀衛人員補放綠營。於原定額缺內。將滿洲蒙古之在衛行走人員。外用參將一缺。都司一缺。守

備一缺。並裁去都司一缺。改設蒙古漢軍人員
共用副將一缺。仍符十缺之數。酌歸平允。○四
十六年奉

旨。遊擊以下軍機記名人員。統限扣足三年。准予升用
一次。所有該員記名之處。即行註銷。○又奏准議敘
得有功加各官。俱以奉

旨日期較俸升用。毋庸按領劄日期論俸。○又題准
題補人員。該督撫具題到日。由部議覆。與例稍
有未符者。仍俟該員引

見時恭候

欽定外。其合例人員。於議覆奉

旨之日。即行開缺。○四十七年奏定。營守備選用班
次。雙月十二缺。單月七缺。缺出輪流選補。雙月
內設有勞班。例應以營守備用之效力期滿差
官選用。此項人員。自期滿歸班後。約計選期七
八九年不等。現在候選者約三十餘員。守候需
時。未免壅滯。雙單月內俱設有分發。係用年滿
千總發回本省題補。此項人員。每遇到班時無
人應選。將營用期滿差官。仿照武進士借補功
班及候推千總抵補升班捐班之例。於單月內

分發輪用無人時抵補一班俾得及時效用。○
四十八年奏定武進士賞藍翎侍衛者期滿分
別都司守備例歸正三五七九月內都司守備
合選一缺其以都司用者固得從優銓選其以
守備用者應選月分遇有都司一缺即當過班
是較歸班進士轉遲令守備仍按科分名次歸
雙單月內科班銓選。○四十九年奏准鑾儀衛
滿洲蒙古漢軍三項應升人員內揀選補放副
將一缺與侍衛處滿洲蒙古漢軍應升人員一
體輪用鑾儀衛滿洲蒙古應升人員揀選補放

參將一缺。都司一缺。守備一缺。與侍衛處滿洲
蒙古應升人員一體輪用。侍衛處鑾儀衛及八
旗護軍營行走世職人員揀選補放漢軍之參
將一缺。遊擊一缺。都司二缺。守備二缺。與八旗
漢軍世職及應升章京一體輪用。其應行補放
時仍按原定額數月分行文咨取其應用滿洲
蒙古漢軍副將一缺。應用滿洲蒙古參將一缺。
都司一缺。守備一缺。將侍衛處與鑾儀衛人員
間年輪用。如甲年補用侍衛處人員。則乙年用
鑾儀衛人員。其漢軍人員應用六缺。內參將一

缺遊擊一缺。將侍衛處與鑾儀衛八旗分在護軍營行走世職。八旗漢軍世職及應升章京。開年輪用。如甲年補用侍衛處鑾儀衛人員。則乙年用八旗分在護軍營行走世職。八旗漢軍世職應升章京。其都司二缺守備二缺。以二月分都司。二月分守備。用八旗護軍營行走世職。八旗漢軍世職及應升章京。儘應用月分並無缺出。准於下月補還。其漢軍人員補用綠營歷俸三年後。方准保送。至舊例內每年二月八月十二月分漢軍人員。應用守備三缺。均改歸部選。

○又奏准軍政卓異人員由部將卓異加一級註冊。其陸路內河水師卓異人員與候補人員俱歸於雙月分。遇有缺出。先用卓異二人。後用候補一人。如無卓異。專用候補。如無候補。專用卓異。兩項俱無。將員缺扣歸單月推升。此內卓異人員。較俸升用。○又奏准武職出師。凡遇在部掣升及論俸推升。不能剋期赴部。引

見。先行給予劄付。凱旋後補行引

見。○五十年奏准升任人員。無論題補推升。均於引見後開缺。○又奏准嗣後陸路人員。有生長海濱。素

習水性。願改水師者。務於未經得缺之前。投供時。即豫行呈明。到班選補後。再行奏明開缺。發往該省。照例試驗。其未經豫行呈明者。得缺後。不准呈請。以杜規避。○五十四年奏准。十二月分升選各員。題覆應開之缺。歸入次年二月分升用。毋庸先行開缺。○又奏准。呈改水師人員。於到班應選時。即行扣除。照例分發試驗。其應選之缺。毋庸過班。仍歸本月應用人員選用。○五十六年

諭臺灣雖在海外。非若煙瘴地面。例須更換者可比。嗣

後俸滿更調之例。並著停止。欽此。遵

旨議定。澎臺武職人員。俸滿保送升用之例停止。推升時。各按本任歷俸五年之後。照常俸升用。○五十九年奏准。藍翎侍衛行走。已過三年。該管大臣咨部。與歸班武進士按科分名次選用。已屆四年者。仍帶領引

見。分別都司守備補用。○又奏准。內河水師部推守備缺出。水師年滿保送千總。水師卓異千總。兩項俱無。行文題補。○又奏准。四川駐防臺站員弁。該總督豫行覈明。年滿日期報部。屆推升之

期。掣得本省之缺。令其補授。如推升他省。由部
覈其期滿在半年以內。照舊推升。在半年以外
者扣除。以升銜留任。遇有本省選缺坐補。